


28.02.2014


 Jučer je održana peta redovna sjednica Ekonomsko-socijalnog vijeća BPK Gora de na kojoj se našlo sedam tačaka dnevnog reda. Nakon usvajanja Zapisnika sa četvrte redovne sjednice prešlo se na rad i raspravu po tačkama dnevnog reda.

Prva tačka koja je bila razmatrana je Izvještaj o radu Ekonomsko-socijalnog vijeća za 2013.godinu u kojem se navodi da je u izvještajnom periodu održano 5 sjednica, što je kako se zaključilo solidan broj održanih sjednica u situaciji kada Vijeće nema svojih prostorija niti zaposlenika, kako je predviđeno Sporazumom o osnivanju i da najveću podršku oko rada i pripreme sjednica daje tehnička služba Udruženja poslodavaca BPK Gora de. Zaključeno je da će Vijeće u narednom periodu posebno nastojati da obezbijedi obaveznosti javne rasprave i učestvovanja socijalnih partnera kod predlaganja i donošenja Budžeta BPK Gora de i kontrole njihove raspodjele i potrošnje, te obezbijediti učestvovanje u donošenju izmjena, dopuna ili novih zakonskih rješenja iz oblasti radnog zakonodavstva, politike zapošljavanja i dr.




Usvojen je i Program rada Ekonomsko-socijalnog vijeća BPK Gora de za 2014.godinu. Iste donošnje je predviđeno Sporazumom o osnivanju Vijeća a sve u cilju vođenja ekonomske, socijalne i razvojne politike, te afirmisanja i zaštite ekonomskih i socijalnih prava i interesa zaposlenika i poslodavaca, te razvijanje sistema kolektivnog pregovaranja.

Po pitanju tematskog dijela predviđeno je da se razmatra 44 tačka koje su uglavnom iz Programa rada Skupštine i Vlade BPK Gora de i zaključeno je da će se praviti tačke dnevnog reda iz tih oblasti sve u cilju kvalitetnog rada i zajedničkog uticaja na određene dokumente na obostrano zadovoljstvo.



Primljena je k znanju Implementacija ciljeva i politike Skupštine Bosansko-podrinjskog kantona Gora de za proteklu godinu, te i Program rada Vlade BPK Gora de za 2014.godinu uz konstataciju da se prilikom sačinjavanja Programa rada trebaju uvažavati mimo donosioca sugestije i predstavnika iz realnog sektora kako bi upotpunili sadržaj programa.

Do kraja sjednice članovi Ekonomsko-socijalnog vijeća BPK Gora de osvrnuli su se i na aktuelnu političku situaciju konstatujući da podržavaju mirne proteste i opravdane zahtjeve a sve u duhu mirnih i fer protesta ali se protive nasilju i paljenju državnih institucija.



Tehnička služba